

शब्द अउर चित्र : विलियम डे विंक

यीशु मसीहा

यी
शु
•
म
सी
हा

सबसे बड़ा कहानी



कि है ?



सरगदूत - परमेसवर के एगो नय देखाय देवेवाल संदेसवाहक (पन्ना-5)

आसिस - सब अच्छा चीज , जे परमेसवर हमनहिन के देवे लगी चाह हथी।

बाइबल - बाइबल में हमनहिन पढ़ सकहियै की कैसे परमेसवर अपन लोग पर धियान देहखीन आउर उनखरा से कैसेन बरताव करहखीन।

परभुभोज - यीसु के चेला सब यीसु के मौउत आउर फिनु जी उठे याद रोटी आउर दाखरस खा कर करहखीन। (पन्ना -41)

क्रुस - पीढ़ा देवे के एक तरीका , जेकरा पर यीसु अपन मरजी से बलदान होलथीन। यीसु के चेला लगी एक चिन्हासी ठहरलथीन। (पन्ना-25,50)

चेला - यीसु के चेला (पन्ना-18)

इस्टर - यीसु के जी उठे के परव मनावल जा है। यहूदी इहे दिनमा फसह के परव मनाव हखीन। (पन्ना38-54)

अन्तजीवन - यीसु के साथ जीवन जीयेला इ परमेवसवर के इच्छ हकै, उ मैत पर जीत पराम करेला, उ हे अन्नत जीवन हकै। (पन्ना-23,29-30)

विसवास - परमेसवर पर भरोसा रखे के चाही आउर हुनकर बादा पर भोरोसा रखेके चाही। (पन्ना-58)

क्षमासीलता - परमेसवर क्षमा करहखीन, जबकि हमनहिन में से कौनो ओकर योग नय हियै, परमेसवर माफ कर हखीन , जब हमनहीन अपन पाप के क्षमा मांग हियै, आउर अपने में बदलेला चाह हकीयै। क्षमासीलता संभव है, काहे की यीसु के बलिदान से हमयोग कैल गेलिये हऽ। (पन्ना-58)

परमेसवर के राज - जहाँ अदमी सब परमेसवर के अजिया के पालन करहखीन उहाँ परमेसवर के राज हखीन।

पवित्र अतमा - परमेअवर के अतमा जे लोग में रह हकै , जे यीसु के माने वाला हखीन। (पन्ना-58)

यीसु - परमेसवर के बेटा के नाम मतलब परमेसवर हमर साथ हखीन।

मसीहा - अभिषकत राजा "मसीहा" (इब्रानी सब्द) जे ग्रीक भासा में हकै मने की मसीहा। (पन्ना-52-55)

परथना - हमनहीन सब के परमेसवर के साथ धीरज से आउर जादे अवाज से बात करेके। (पन्ना-18,19,42)

पुनरुथान- यीसु मरलका में से फिनु जी उठलथीन, एक दिन सब के मरलका में से जी उठथीन, तऽ परमेसवर सब के नियाय करथीन। (पन्ना 53,57)

फिनु से एतखीन- जब यीसु धरतीया पर फिनु एतखीन , सरग आओर धरथी फिनु नया हो जैतै। परमेसवर के दवारा सब कुध नया हो जैतै। (पन्ना-57)

सैतान - जे देखाय नय दे हकै उ परमेसवर आउर मनुष के दुष्मन हकैय।

पाप- उ सब बात जे परमेसवर के मन के विरुध करहकै, आउर जे परमेसवर के उद्देश्य से दुर करहकै (पन्ना-4)

परमेसवर के बेटा- यीसु के नाम, जे परमेसवर के बेटा कहला बनके , मनुष के रूप में एलखीन।





यीसु मसीह के हखीन ?

यीसु मसीह 2000 साल पहिले इस्रायल में रहलथीन । हमनहिन उनखा यीसु मसीह या ईसा मसीह कह हियन। मने कि उ एक राजा परमेसवर के बेटा कहला हथीन। अर्थात परमेसवर आउर "अदमी के बेटा"। जे अदमी से जलम लेलथीन। बाइबल में यीसु के जीवन के इतिहास बतवाल गेलन हे। इ एगो महान कहानी हकै।

यीसु के समय

हमर इतिहास यीसु के जलम से सुरु होव हकै। जब लोग यात्रा पैदल, गदहा पर, उँट पर , या घोड़ा पर कर हलथीन। तब रोमी सम्राज यूरोप, मध्य पूर्व आउर उत्तर अफ्रिका तक फैलल हलथै। बहुत लोग लिखेला आउर पढेलगी नय जान हलथीन।

इस्रायल के यहूदी लोगवन के " किताब के लोग" कहल जा हलै परमेसवर किताब में से बात करहथीन उ हकै बाइबल ।





यीसु के समय के इस्रायेल

बड़ा परान्त-गलील, सामरिया, यहूदीया

विस्तार -28,000 किलो मी. (10810 मील)।

मौसम- उष्णकटिबन्ध ।

राजनीति- 63 वी. सी. सुरुआत से (मसीहके जलम से पहिले) रोमी सम्राज के हुकूमत इस्रायल देस में चलल कर हलै।

सरकार- मुख्य पिलातुस, रोमी राजपाल, इस्रायल मे राज, तिबेरियस रोमी साम्राज्य ।

धरम- यहूदी धरम ,यरुसलेम में यहूदीयन क मंदिर हकै, हूँ यहूदि पूजारी सब पूजा पाठ के काम कर हखीन। अउर जैसे फरिसी बाइबल में से लोग के बताव हखीन।

भाषा- हिब्रू (यहूदीयन के भाषा) ग्रीक (अनरराष्ट्रीय भाषा) लैटीन (रोमन लोग के भाषा)



येकनहीन सब नदिया के किनारवा काहेला जमा होलथीन हे ?



तु अपने के तैयार करहू, काहे कि परमेसवर के राज नजदीके हकै ।



एगो नया जीवन सुरु करहू ।



परमेसवर के नियाय के कुल्हाड़ी पेड़वा के जड़िया तर हकै ।



सब पेड़ जे फल नय दे हकै, उ काट देवल जैतैऽ।



हमनहिन सब के हो सकह है की काट देवल जैयै। कौन अच्छा जीवन जीये के योग हकै ?

एकदम ठीक! कौनो अदमी परमेवर के नियाय से बच नय सकलथीन हे। तैयो, हमर पाछु एगो आ रहलथीन हे, जे तोहर अतमा के बदल सकलथून हे।



अगर सच्चो के तोर जीवन मे बदलाव चाह ही त तु अपन पाप के मान लेहु अउर इ पानी से बातिस्मा लेहु



अब तु अपन पाप से सुध हो गेलहू हे, फिनु से एगो नया जीवन सुरु करहू ।

सब लोगवन उनखा नदी में बतिसमा देवेवाला यूहन्ना कह हलथीन ।

हम योग नय हकियया। हम उनकरा लगी रसता तैयार कर रहलियै हे, जे हमरा बतैथीन की परमेसवर के हखीन। उ तोहरा परमेसवर के अतमा अउर आग से बतिसमा देखुन, उ तोहरा में बदलाव लैथुन।



अउर तब



हमरा तोहर हाथ से बतिसमा लेवे के जरूरत हकै ।



हम उहे करबै जे परमेसवर के मन में हकै, उहे अब करहू।




परमेसवर तोहर राज आवै आउर तोहर इच्छा पुरा होवन ।



तऽ सरग से एगो अवाज ऐलवै ।

तु हमर बेटा हकहू। हम तोहरा से परेम करः हकियो । अउर तोहरा से हम खुस हकियै।



इ हमनहिन के उ युग के सुरु में हखीन, यूहन्ना बतिसमा देवेवाला इस्राएली लोगवन के मसीहा एतखीन, इ कहके ओकनहिन के तैयार कर हलथीन। उ समय इस्राएल देस रोमी राज के एगो छोटका हिस्सा हलै।



इस्राएल के यहूदी अकेला, लचार दबल आउर खीन महसुसकर हलथीन। ओकनहीन मसीह कब एतखीन उनखर रसता देखल करऽ हलखीन। उ हमनहिन के छोटैतखीन, इ पहिले यहूदी लोगवन के किताब में भविष्यवाणी करल गेलथीन हल। इ मसीह परमेसवर के नियाय के विजय देलैतखीन।

यरदन के नदीया विजुन, यूहन्ना बतिसमा देवेवाल यीसु के दने देखलखीन।

देखहु! इ परमेसवर के मेमना हखीन, जे दूनिया के पाप उठा ले जा हथीन।



उनखा, बतिसमा लेवे के बाद परमेसवर के अतमा यीसु के जंगल में ले गेलैथीन।

उ चालीस दिन आउर चालीस रात रहलखीन। जब उ उहां हलथीन, तऽ उ कुछो नय खेलखीन आउर कुछो नय पील-खीन। अपन पुरा कैलका उद्देस के देखे लगी उ उपवास परथना कर हखीन।



यीसु चाह हलखीन की परमेसवर के उद्देस संसार में पुरा पुरा हो जाय। लोगवन के मौत के पकड़ में से छोटैयै, इहे परमेसवर के योजना हलथीन।

हाँ! बाबुजी, जे तू कहवहु उ हम करवो।

सैतान इ जेकरा देख नय सकल जा है, जे अंधकर में राज कर हकै, आउर संसार के नास आउर मौउत के दने ले जा हकै।



तैयो सैतान , उनखर दुसमन , यीसु के लालच देखाके, उनखरा परमेसवर के योजना से दूर रखे के प्रयास कर रहलखीन हल।

नय, ऐसन लिखल हय कि अदमी खाली रोटी से नय पर परमेसवर के वचन से जिन्दा रहतै।

यदि तु परमेसवर के बेटा हकहु, तऽ इ पथलवा के रोटी बना देहु ...



यदि तु परमेसवर के बेटा हकहु, तऽ साबित करहु। इ मन्दिर से नीचे कूदहु, काहे कि इ लिखल हय की सरगदूत तोहरा हाथो हाथ उठा लेथुन?

यदि तु हमरा प्रणाम करहु आउर हमर उपासना करहु, तऽ धरतीया के सब अधिकार हम तोहरा दे देवो।

तऽ सैतान यीसु के नजीक से चल गेलय आउर सरगदूत आके उनकर सेवा करे लगलखीन।




यीहो लिखल हकै, परमेसवर के परीक्षा नय लिहऽ।

इहा से चल जो सैतान, लिखल हकै कि खाली एक ही परमेसवर हखीन आउर खाली उनकरे उपसना आउर सेवा करहु।


यीसु पवित्र अतमा से भर गेलखीन। यीसु उत्तर इस्राएल देस के बड़ा प्रांत में आगु बढते गेलथीन। बहुत लोग के सक हलैय कि इहे उ यीसु हथीन की नय...? जैसन मसीह के बारे में लिखल हकै...।



गलील प्रांत के काना (नगर) में केजो एगो बियाह हलै।



यीसु भी अपन माय आउर
अपन चेलवन के साथे हलथीन॥





गलील झील के लगी कफरनाहुम में फललफूलल मच्छुआरा के एगो गाँव हलया।
उहंमा यीसु परमेसवर के राज के बारे में उपदेस देवे लगी सुरु कैलखीन।



आउर उहां उ अपन पहिला चेला चुन लेलखीन।



पतरस गहिरा पनी में जो
आउर हुँआ अपन जाल डाल।



मालिक हम पुरा रात मेहनत
कैलियन हे, तैयो कुछ नय पकड़लियै।



तैयो तु कह हकहू इहेला।



इ की ! हमरा विसवास
नय हो रहले हऽ।





याकूब, यूहन्ना एने
आहु। अब ढेर सारा
पकड़ लेलियय हे।



प्रभु हमरा जाय देहु काहे कि
हम पापी अदमी हकियै।

पतरस नय डरहु।



चलहु, हमर पाछु आहु। हम तोहरा
अदमी के पकडेवाला बनैवो।



हमर पाछु आहु।

परमेश्वर यीसु चेलमन के साथे पुरा गलील प्रांत में । सबहे के परमेश्वर के राज के बारे में बतलखीन। उ सब तरह के रोगियन के चंगा कैलखीन, दुष्ट अत्मा के निकलल-खीन, लोग चकित हो के यरुसलेम आउर दोसर- दोसर प्रांत से एलखीन हल। उ हुनखर सब बात सुनहलखीन ।



जे गरीब हखीन उ धन्य काहेकि सरग के राज हुनखरे हखीन।

जे भूखल हखीन उ महान हखिन काहे कि उ तृप्त कैल जेतखीन।



जे रोवहखीन उ महान हखीन, काहे की उ फिनु से हसथीन।



धन्य हकहु तोहनहिन जब लोगवन हमरे कारन तोहरा से बैर करथुन। तऽ खुश होके उच्छलिह काहे कि तोहरा लगी सरग में बड़ा ईनाम हको।



जैसन बरताव तु दोसर से चाह हकहु,
अउसने बरताव तु उनकरा से करहु।



सत्रु से परेम करहु आउर
उनखरा लगी पराथना करहु।



अच्छा काम छिपा के करहु
जेसे कि उ देखावा नय लगौ।



जे कोय दोसर के औरत के बुरा
नजर से देख हय, उ अपन मन
में बेबिचार कर लेलकै हे।



आँख सरीर के दीया हकै, यदि तोहर
आँख ठीक हको तऽ तोहर सबहे सरीर
झलकतो । पर तोहर आँख खराब हको
तऽ तोहरा सही नय देखाय पडतो।




कोयो सेवक दुगो मालिक के
सेवा नय कर सक हखीन,
जैसे परमेसवर अउर धन के।



कल के चिन्ता नय करहु, पहिले
परमेसवर के राजके खोज करहु, तऽ
तोहरा सब कुच्छ ऐसही मिल जैयतो।




यदि तु हमर बचनिया पर चलबहु, तऽ ओकनहिन जैसन
हकहु, जे अपर घर पथल पर बनैलखीन हे, आउर नय तऽ तु
ओकनहिन जैसन जे अपन घर बालु के रेत पर बनैलखिन हे।



एगो दिनमा यीसु के घरवा के सामने लोगवन के भीड़ हो गेलथिन।

हम अन्दर नय जा सकलीयै हे।




उहा छत होतै।

उहां उपर की हो रहले हे ?



ओकनहिन के आवे देह, ओकनहिन के विसवास जादे हकै।



तोहर पाप के क्षमा होगेलथिन हे।

तु कि कुच्छो सुनलहू हे? उ इ सब कैसे कर सकलखीन हे।



उ बुडबक है।

खाली परमेसवर, किनखरो पापसे छुतकारा दे सकलथीन हे।

लगंडा अदमी के की इ कहेलगी असान हकै कि तोहर पाप क्षमा हो गेलन हे, या उठ के खाड़ा हो जो।



पाप के क्षमा करे के अधिकार मसीह के देवल गेलन हे इहे से हम कहहियो अपन खटीवा उठाहु आउर चलहु फिरहु।






नय होतौ ।

उ चल रहलखीन हल। हाँ ! हम चल सकहियै।

तैयो हूँआ सबहे कोय यीसु के काम से खुस नय हलथीन। पूजरियन सब्ब के पवित्र दिन यीसु की करहथीन उ देखते रह हलखीन । (उ दिनमा इस्राएल देस में काम करे पर मनाही हलै।)



इ अदमीके हाथ सुख गेले हऽ
इ दिनमा एकरा चंगा करेला
ठीक है...?



अपन हथवा आगु बढाहु।



हाँ ! हम ठीक हो गेलीयय हे।



हम उनकरा चंगा करते देखलियै।

यरुसलेम के मुख अदमी के जरुरे बतैहऽ की इ गलत रस्ता राज के भलाय के लगी ठीक नय हकै।

यीसु आउर हुनखर चेलवन गलील के झील में से जा हलखीन।




हे परभु, हमरा बचाव,
हम डुब रहलीयै हे।




तु काहे लगी डर रहलहू हे ?
तोहर विसवास कहाँ हको ?

सांत हो जो।




ओकनहीन हुनखर जहाज किनरवा पर बांध लेलखीन, लेकीन पहाड़ पर।.....



रा रा रा हऽ रा हऽ

उहाँ, दुष्ट अतमा से पीड़ित
एगो अदमी हलखीन, जे
पहाड़ पर रह हलखीन।




उ आ रहलखीन हे।

उ भंगलाहा।



ठीक, हन यीसु।



ए दुष्ट आतमा, एकरा छोड़।

हे सर्वसक्तिमान परमेसवर के
बेटा हमरा तोहरा से की काम ?




तोर नाम की है?
सेना, काहे कि
हम ढेर लोग हकिया।




इ सुअरीयन में
हमरा भेज देहु।




जाहू।






हम तोहरा कह हकियो बेटवा अपने, कुछो नय कर सकलखीन हे। उ खाली उहे कर हखीन जे बाबुजी उनका करे ला कह हखीन, हमर बाबुजी के मन से। उ एके हखीन, जे हमरा भेजालखीन हे।




यीसु जादेतर सुनसान जगहिया में परथना करे लगी जाल कर हलथीन।



रतिया में परथना के बाद यीसु अपन 12 चेलमन के अलगे कैलथीन। उ ओकनहिन के दु-दु कर के बाहर भेज देलथीन। आउर ओकनहिन के दुष्ट अतमा पर आउर सबहे रोगवन के चंगा करे के अधिकार देलथीन।



उ दु गो भाय पतरस अउर अन्द्रियास



इ याकूब आउर यूहन्ना



फिलप्पुस आउर बरतुल्मै

थोमा आउर मती (एकनहिन पहिले रोमी हाकिम में कर जमा कर हलखीन)।



तद्द्वै आउर दोसरका याकूब।



समैन आउर यहूदा इसकारियोती।



जाहू, जे तोहनहीन के अपनैथुन, उ हमरो अपनैथीन, आउर जे कोय हमरा अपनैथीन, उ जे हमरा भेजलखीन हऽ उनखरो अपनैथीन।



एकनहीन 12 चेलमन हुनखरा सैपलका काम कर के बडी जोस से लैट एलखीन। फीनु यीसु ओकनहीन के साथ सुनसान जगहिया पर जा रहलथीन हल। तैयो भीड उनका नय छोड़ रहलखीन हल।

फसल बहुत हकै पर मजूर कम है, परमेसवर से परथना करहु की उ फसह काटे लगी मजूर बेजथीन।





यीसु बोल रहलथीन हल, अउर लोग सब के चंगा कर रहलथीन हल, उहां देर हो गेलै

फिलिप्पयूस, इ सब लोगवन के हम खाय लगी कहां से लैवै ? तु ही ओकनहिन के कुछ खिलाह।



चाँदी के 200 दिनार के रोटी भी होखनहिन लगी पुरा नय होतै।

इहां एगो लडका हकै, ओकरा ही पांच गो रोटी आउर दुगो मछली हकै।



सब लोगवन के 50-50 के गिनती से बैठा देह।




यीसु परमेसवर के धनवाद दे हखीन।



उ रोटी आउर मछली तोड़ हखीन।



जब यीसु भोजनमा के ढेरो बड़ा देहखीन,
तऽ हुंआ हजारो अदमी भोजन करल खीन।



उ मसीह हखीन, जे
आवे वाली हलखीन।

हमरा राजा मिल गेलखीन हे।




अरे देखहु! हूँ
12 टोकरी पुरा
बचल रह गेलयै।



अब ओखनहिन के घर जाय के समय हो गेलखीन हे। तु नाव लेके
उ पटी चल जाहु। हम पहाड़ पर परथना करे लगी रुक हियो।





हूआं कोय-कोय लोग यीसु के राजा कह हलखीन। होखनहिन के ऐसन लग हलै कि यीसु के अधिकार से रोमी हाकिम भाग जैतखीन। आउर यीसु के बिरोधियन भी बढ रहलखीन हल। ओकनहिन हमेसा हुनखर बुराय करल कर हलखीन। उ यीसु के बारे में भडकावल कर हलखीन आउर चाह हलखीन की ओकनहिन यीसु से अलगे हो जाथीन।



स्वामी, तु इहां कखने एलहू ?

हम तोहरा रोटी देलियो की यीहे लगी तु हमरा खोज रहलहू हे ?

इ नास होवेवाल भोजन लगी चिंता नय करहू। पर उ भोजन लगी जे सदा रहथीन आउर अनन्त जीवन देतखीन।



हम अनन्त जीवन के रोटी हकीयै। इ हमर देह हकै, जे तोहरा लगी देवल गेले हे।



इ अदमी कैसे अपन देह हमरा खाय लगी दे सक हकै ?

बेकार के बात





उ सबहे के फँसा रहलथीन हल।

चलऽ जौ।

की तोहनियो के जाय लगी हको ?



परभू, हम केकरा पास जैयै। तोहरे लगी अनन्त जीवन के वचन हकै।



यरुसलेम के बाहरी जादेदतर लोगवन के रोमन देस के जैसन सजा मिल हलै।



यदि कोय हमर पाछु आवे ला चाहऽ है, तऽ उ अपन कुरुस उठा के हमर पाछु हो लै।



जे कोय अपन जान बचावे ला चाह हखीन, उ ओकरा खो देथीन आउर जे कोय, हमरा लगी अपन जान देथीन, उ ओकरा बचा लेथीन,



तु इ जान लेहु की खाली एगो परमेसवर हखीन।



जरुरी इ हकै की तु परमेसवर के पुरा मन से परेम करहु आउर जैसे अपने आप से परेम करहु दोसर से भी औसने परेम करहु।



उ समय इस्राएल में कोढ़ के रोगीयन रह हलथीन। उ चमड़ा के खराब रोग हलै। ऐसन रोगीयन गाँम के बाहर रह हलथीन आउर ओकनहिन के अच्छा लोगवन से मिले नय देवल जा हलयै।



कोढ़ीयन अदमी जब कभीयो बाहर जा हलथीनउ जोर - जोर से दोसरकन अदमी के चेता दे हलथीन की उ आ रहलथीन हे।

कोढ़ी!
कोढ़ी!



यीसु परभु! हमरा पर दया करहु।





जो अब तु अपने धरमगुरु के देखाहु।



हम कहिया चंगा होवै ?

देखावे लगी धरम गुरु के लगी जैहै ?



? !



देखहु ! हम चंगा हो गेलीयै।



हम चंगा हो गेलीया।

हाँ



हालेलुया , परमेसवर भला हखीन, धनवाद।



जे चंगा होलखीन ओखनीन 10 गो नय हलखीन? ओखनहिन कहाँ गेलयै? की ओकनहिन परमेसवर के धनवाद देवे लगी नय ऐलै।



खडी होव ! तोहर विसवास तोहरा चंगा कैलको हे। आउर तोहर उध्दार हो गेलो हे।

यहूदी के मुख अदमी भेदियन, यीसु के पाछु भेज देवल करहलखीन, यीसु के काम देखे लगी काहे कि उ उनकर विरोधी हलथीन।

उ खराब लोगवन के साथ रह हलखीन, मने कि बेसिया, चुंगी लेवे वाला हाकिम...

मसीह भुललकन के खोजे आउर ओकनहिन के बचावे एलखीन हे।



काहे कि यीसु सब्त के दिन चंगा कर हखीन।

चंगा हो।



आउर उनका लड़कवन पर बडी खयाल रह हलै।

लड़कवन के हमरा लगी आवे देहु, परमेसवर के राज उनखरे जैसन के हकै।



यीसु बैथनियाह में बोलावल गेलथीन। एगो गाँम जे यरुसलेम बिजुन हलै। लाजरस नाम के एगो अदमी बीमार हलै। लाजरस आउर ओकर बहिन मार्था आउर मरियम एकनहिन यीसु के दोस हलखीन। जब यीसु उहाँ एलखीन तऽ उ सुनलखीन लाजरस के कबर में रखला चार दिन हो चुकले हे।



परभु अगर तू इहाँ होतहू हल तऽ हमरा भाय लाजरस नय मरते हल।



मार्था, तोर भयवा फिनु से जिन्दा हो जैतो।



हाँ, हमरा पता हैकि उ अन्तिम पुर्नूथान होवे के दिन फिनु जिन्दा हो जैतै।



पुनरूथान आउर जीवन हम ही हकीया। जे कोय हमरा पर विसवास करतै, उ जिन्दा होतै। की तू हमरा पर विसवास करहू, हे मार्था।




हाँ, परभु, हम विसवास करहियो, की जे उध्दारकर्ता दुनिया में आवे वाला हखीन उहे तू हकहू। परमेसवर के बेटा।



तू ओकरा केजा रखलहू हऽ।

परभु आके देखहू।






यरुसलेम के हाकिम , अब यीसु अउर हुनखर चेलमन पर नजर रखले हलथीन ।




उ अदमीयां बढी चमत्कार देखाव हकै ।

यदि हम ऐसने छोड़ दिवै तऽ रोमीयन आके कुछ करथीन ।

उ हमर राज आउर मंदिलवन के नास करथीन ।



तु जरी सोचहु , पूरा राज के नास होव से अच्छा है की एक अदमी मरै।



इ हेल यीसु के मरेला जरुरी है

तखने से यहूदीयन के प्रमुख यीसु के पकड़ेके ताक में, की हुनखा रोमीयन के हाथमें सौप दीवै । जे मैउत के सजा देवेवाला हाकिम कहला हलखीन।

यीसु बैतनिया में हलथीन ।



मरियम ।



उ बडी महंगा सेठ है ।



अच्छा होतखीन हल
की एकरा बेच के एकर
पैसवागरीब के बाँट
देवल जैते हल ।



हुनखरा अकेले छोड़देहु । यहूदा
उ हमर देह के गाड़े जाय लगी
तैयार कर रहलथीन हे ।

फसह के परव नजदीक रहलीन। सब लोगवन यरुसलेम जा रहलीन हल ।



यरुसलेम में हाकीम सब यीसु के पकड़े लगी योजना बना रहलीन हल , यीसु उहे नगर देने जा रहलीन हल।





लोगवन यीसु के जयकारी आउर सुआगत कर रहलखीन हल ।

बाह - बाह!

बाह - बाह!



धनय हखीन उ जे परभु के नाम से आव हखीन ।


उ इस्राएल के राजा हखीन ।



पुरा राज ओकरे पाछु जा रहलथी हे ।

हिनखर जैसन हमरा कोयो नय मिलथीन ।

रजधानी के बीचवा मे
अरधना के मंदिल हलै।



फसह के परव के समय भेड़
के बलि कैल जा हलै।



भेड़ के मंदिल में बलि करके
परमेसवर अउर अदमी में
मेल - मिलाप कराव हलखीन।



तैयो, कैसन भेड़ के बलि
करके, लोगवन के पाप से
मुक्ति मिल सकले हऽ ?



मन्दिरिया के जगहिया पर लोग कमाय
आउर पैसा के लेन देन के काम कर हलखीन।



यीसु भी उहें हलथीन।




परमेश्वर के इ घर परथना के घर हकै, लेकिन तू एकरा डाकू के अड्डा बना देलहू हऽ ।



उ हमनहिन लगी खतरा हो सकलखिन हे। सब लोगवन हुनखरे बात सुन है ।



एकरा से हमरा छोटकारा मिले के चाही ।




यदी हम ओकर खोज में लगल रहियै, तऽ हम, ओकरा पकड़ सक हकियै, आउर ओकरा मार सकहियै ।

तैयो परब में नय, ऐसन नय की लोगवन में बवाल मच जाय ।



ओकर बदली में तु हमरा केतना पैसा देवहू ।

उ यहूदा हकै ओकर एगो चेला ।



हम यीसु के पकड़वा के तोहरा सौंप देवो ।

यीसु के बदली में हम तोरा 30 चाँदी के सिक्का देवै, एगो गुलाम के कीमत ।



फसह के परब से पहिले यीसु मंदिर
में संदेस दे रहलखीन हल । परधान
पुजारी उनखरा तंग कर
रहलखीन हल।



संझीया के समय यीसु आउर हुनखर 12 चेलमन
फसह के आखरी भोज में जमा होलखीन हल ।



आज के रतिया उ हम करवै ।





हमरा दुख भोगे से पहिले इ पसह के भोज हम तोहरे साथ करियै एकर हम बाट जोहल कर हलियै ।



हाकीम लोग दोसर से सेवा करवा ले हलखीन। लेकीन हम तोहनहिन साथ एसन नय करबो ।




इ हाकीम तोहर सेवक बनतो ।



हम तोहर सेवक जैसन हकीयो।







हमर याद लगी, इहे करल करहू ।

इ रोटी लेहु जे हमर देह हकै।




इ पियाला लेहु, जे हमर लहु हकै जे तोहरा लगी बहावल जैतै। इहे तरहिया से परमेसवर तोहरा से नयका वाचा बाँध रहलखुन हऽ ।

एगो नया अगिया हम तोहरा दे हकीयो। तोहनहिन एकदोसर के आउसने परेम करहुजैसन हम तोहरा से केलियो हे ।



यदि तोहरा से परेम हकै तऽ सबहे के पता चलतै की तु हमर चेला हकहु।




परभु , हम तोहरा हरदम साथे रहबो, तोहरा लगी हम अपन जान दे देबो ।



पतरस उ समय मुरगा बाँक देतय, आउर तु हमरा तीन बार इन्कार करबहू ।

उ संझीया यीसु आउर उनखर चेला उ नगरिया छोड़ दे हथीन । यहूदा हुनखर साथ नय हलथीन ।



हमतोहरा छोड़ रहलीयो हऽ, लेकीन पिता तोहरा पवित्र अतमा देथुन । उ तोहर मदत करथुन आउर सब समय तोहर साथ रहथुन ।

जहाँ हम जा रहलीयो हा, उ जगहिया तोरा मालूम हको।



मार्ग, सच आउर जीवन हम ही हियै। हमरा छोड़ कौनो पिता के पास नय जा सकलखीन हे।



तु हुए रुकहु। हम परथना करेलगी आगु जा रहलीयो हऽ ।



बाबुजी, हो सकहै, तऽ इ दुख हमरा से दूर ले जाहु ।



तैयो हमर नय पर तोहर मन के ईच्छा पुरा होवन ।



इ समय तु कैसे सुत सकल हु हे ? जगल रहु ।
जे एगो हमर विसवासघात करतै उ इहे हकैय।



जेकरा हम चूम लियो,
ओकरा पकड़ लिहऽ ।



मालिक !



यहूदा , किया तु चुमा लेके
हमर विसवासघात करवहू ?

मालीक, हम एकनहीन से लड़ हियै।



नय !



यीसु खुदे हुनखरा के पकड़वा देलथिन
हुनखर सब चेलमन हुआँ से भाग गेलखीन ।



यीसु के बड़का पूजारी के घर ले गेलखीन । यहूदियान के सबसे बड़का प्रधान, पतरस अउर यूहन्ना हुन्खार पाछु आ रहलथीन हल ।



पतरस अगंनमा में गेखीन ।



की तु उनखा साथ नय हलहु ?



नय, नय हम उनखरा नय जानहीयै ।

की तु ओकरा में से एगो नय हकहु।



एकदम नय ।

जरुरे इहो हुनकर साथ हलै, इ हो गलीली हकै।



हम नय जानहीयो की तु की कह हकहु ।



सबेरेवा में यीसु के यहूदीयन के महा पंचायत में ले जावल गेलै ।

की तु परमेसवर के बेटा हकहू ?

जैसेने तु कह हकहू औसने है।



इ मरे के लायक हकै। रोमीयन के इ करे देहु।

यीसु के रोमी पिलातुस के सामने लावल गेलय । इ सब पर यहूदी पुजरियन नजर लगैले हलखीन । उ सब तरह से उनखरा दोष लगावे लगलै ।



जे तोहरा पर लांक्षल लगावल गेलो हे ओकरा बारे में तु की कहे लगी चाह हू? नय कुछ ?



तु की कैलहु हऽ ?

हम सच के गवाही देवे एलिये हऽ ।



सच की है ?

हम इ आदमी में कोइ गुनाह नय पाव हिये, अव फसह के परब आ रहलेह, हम केकरा छोड़ दिये, बरअब्बा क या इ यहूदियन के राजा के ।







उ अदमी के देखहू ।

ओकरा कुरुस पर चढ़ाहु ।

ओकरा कुरुस पर चढ़ाहु ।

ओकरा कुरुस पर चढ़ाहु ।





पिलातुस ओकरा मान लेलथिन, कुरुस पर चढ़ाना एक दर्द नाक मैत जैसन हलै। यीसु कुरुस के उ बल्ला बडी मुसकील के ढो रहलखीन हल।




मैउत के सजा, नगरीया के बाहरी देल जा हलै, ओकरा गुलगुथा, मने कि "खोपड़ी" के स्थान कहल जा हलै ।



यीसु के सैनिक सब कुरुस पर चढ़ा देलथीन ।






कुरुसवा पर दोष पत्र लिखल हलै।
“यीसु यहूदियन के राजा हखीन”



यीसु कड़वा दाख रस नय
पीये से नकार गेलखीन ।



सैनिक हुनखर कपड़ा
से खेल रहलखीन हल।



यदि तु परमेसवर के बेटा हकहू तऽ
इ कुरुसवा पर से खुद के बचा लेहू ।




हां, की उ दोसर लोगवन के नय बचैलखीन ?

अपने के बचाहु आउर हमरो बचाहु ।

परमेसवर के आदर करहू, हमरा अपन
अपराध के सजा मिललै हे। पर इ अदमी
तऽ कुछो नय कैलखीन हे ।



जब तु अपन स्वरग राज में
ऐवहु, तऽ हमरा याद रखीयहू।



हम तोहरा वादा कर हकियो की तु
आजे हमरे साथ स्वरग लोक में होबहू ।

लगभग दु पहरिया से तीसरका
पहरिया तक लगी पुरा देस में
अंधियारा छाल रहलै ।



मरियम यीसु के माय आउर यूहन्ना,
हुनखर चेला कुरुस के पास खड़ा हलथिन ।

अब यीहे तोहर माय आउर
यीहे तोहर बेटा हको ।



हमर परमेसवर, हमर परमेसवर
तु हमरा काहे छोड़ देलहु ?


हम पियासल हकीयै ।




बाबु, हम अपन अतमा
तोहरे हाथ में सौप हियो ।



पूरा होलय ।



यीसु के मैउत दुपहरिया के तीन बजे हो जा हखीन। एक सैनिक यीसु के भाला से बेध हखीन, तऽ खुन आउर पानी निकलै।



किताब में ऐसन लिखल हकै कि भेड़ के जैसन हुनखरा बलि करे लगी ले जाल जैतय।



हमनहिन के सब पाप के खातिर उनखरा मारल जयतयै। बेधल जैतयै। अब उ मर गेलखीन हऽ।




कि यीहे उ मसीह हलथीन जे, आवे वाला हलखीन? की उ नय हथीन?



यूसुफ, अरमतिया आउर नीकुदेमुस यीसु के मरलका देहिया के ले जा हखीन। उ लशवा के उजर कफन में लपेट के ओकरा पर मिश्रण लगाके के कबर में रख के दुअरिया के बड़का पथल से बंद कर देलखीन।



कि इ लाश के हम गाड़ सकलीयै हऽ, चलहु उनखा से पुछ हियै।



इ सब बतिया के होला के बाद फसह के परव के समय, कुछ औरतीयन उ बन्द कबर के पास एलखीन।



उ पथलवा तऽ लूढकल है।

तु उ जिन्दा के मरलका में काहे खोज रहलहू हे? उ जिन्दा हो गेलन हे, जाहु आउर हुखर चेलमन के बताहु।



जब ओकनी इ बतिया सुन हथीन, पतरस आउर युहन्ना कबर के दने गेलखीन।



की होलय?

उ तो पुरा खाली हकै।






बाहर कबर तर बगैचा में ...



हे नारी , तु कहे लगी रोव हकहु? तु केकरा खोज रहलह हऽ ?




हे महाराज, की तु हुनखा उठा लेहलहु ?



मरियम ।




स्वामी ।



हमरा तर नय रुकऽ । जा के हमर भैवन के बताव , की हम फिनु हमर आउर तोहर बाबुजी के पास लैट रहलीये हऽ। हमर आउर तोहर परमेसवर ।

उहे दिन यीसु के दुगो चेला रस्ता मे जा रहले एगो अदमी देख के यीसु के बारे में चर्चा कर रहलखी हल ।

की तोहरा उ भविष्यकता पर विसवास नय हको ? की हुनख महिमा में जाय के पहिले दुख में से गुजरे पड़तै ? इ सब किताब में लिखल हकै ।



अचानक भोजन के बाद के आ गेलय ।

पर उ यीसु ही हलखीन ।




बाकी के चेलमन यीसु के खोजे लगी चल जा हखीन ।

हम परभु के देखलियै हे ।



मरियम आउर पतरस भी देखलखीन ।

अचानक तोहरा शांती मिलयै ।



की तोहरा विसवास नय हको कि हम हियै? हमर हाथ आउर गोड़ देखह ।



हमर परभु, हमर परमेसवर

यीसु अपन विसवास करे वालन के 40 दिन तक लगी, देखाय पढ़थीन। उ एक बार तऽ 500 अदमी लोग के एके बार देखाय देलथीन। एगो दिन यीसु के कुछ चेलमन गलील के झील में मच्छली पकड़ रहलखीन हल ।

तोहरा ही खाय लगी कुछो हको ?

नय !हम कुछो नय पकड़लियै हे ।



तु अपन जाल दोसर तरफ फेंकहु ।



वाह कि पकड़लहु हऽ।




उ परभु हखीन ।



स्वामी ।



की तु आके हमरा साथे भोजन करबहु ?



पतरस सचो के, तु हमरा से परेम करहु?



यीसु इ बात पतरस से तीन बार पुछलखीन ...




हाँ, परभु तु जान हकहु की हम तोहरा से परेम करहकीयो ।

हमर भेडवन के संभालहु ।




हमर पाछु आहु ।

सरग आउर धरती के सब अधिकार हमरा देवल गेलैहे। संसार में जाहु आउर सब देस में हमर चेला बनाहु, हुनखा पिता, पुत्र आउर पवित्र अतमा के नाम से बतिस्मा देहु आउर जे बतीया हम तोहरा सिखैलियो हऽ हुनखरा जाके सिखाहु ।



इ याद रख की हम तोहरा लागी सदा सर्वदा साथ रहवै हर दिन आउर दुनिया के अन्ततक साथ रहवो ।



इ सब बात कहे के बाद यीसु दुनिया छोड़ दे हथीन। आउर सरग में उठा लेल गेलखीन । तैयो उ ऐसन कहलथीन की उ लोग सब के नियाय करे लगी फीनो ऐतखीन ।

हुनखर चेला यरुसलेम में परथना कर हलखीन । पवित्र अतमा हुनखा परमेसवर के अतमा से भर हकै। उहे अतमा जे यीसु के साथ हलथीन अब ओकनहिन के साथ हथीन। नया लोग के यीसु के पास आवे लगी सहायता करहखीन ।

मउत यीसु के नय जीत सकले, परमेसवर हुनका फिनु से जिन्दा कैलखिन आउर हुनखरा परभु बनैलखी। उहे मसीहा ।



यीसु के विसवासी जन के बहुत विरोध सहे पड़थीन ।

यीसु इ परमेसवर के बेटा हथीन ।



इ संदेस चिट्ठी के द्वारा सामने ऐल्यै ।

उ हमर पाप अपने देह पर लेलेखीन, जब हुनखर कुरुस पर मैत होलया। इहेला हम पाप लगी मर चुकलीयै हे, अउर अब हमनहीन के परमेसवर के मरजी से जिये के चाही।



अब यीसु के विसवासी पुरे दुनिया में एक होके परथना कर हखीन आउर बाइबल पढहखीन। उ यीसु के मैत के रोटी तोड़ के आउर दाखरस लेके हुनखा याद कर हखीन। परमेसवर के इच्छा है कि परमेसवर के परेम के एसनही एक दोसर में बाँटखीन जे उनखर दिल में हखीन ।

यीसु परमेसवर के उद्देश पुरा तरह
से अदमी लगी पुरा कैलखीन ।



यीसु हमनहीन से परेम कर
हखीन। हुखरा धनवाद देहु
आउर हुनखे अरधना करहु ।



काहेकि परमेस्वर जगत से प्रेम कैलखीन, अउर अपन बेटा के दे देलखीन, की
जे, हुन्खा पर विस्वास करथीन, उ नास न होथीन, पर अनन्त जीवन पैथीन।

WILLEM DE VINK


पवित्र बाइबल

यीसु के कहानी बाइबल में लिखल हकै। बाइबल से जादे कोनो किताब एतना बार नय पढ़ल गेले हऽ। इ सब किताब के एगो ग्रंथ हकै। 1500 साल इ किताबवा के लिखे में लग गेलै। 1900 साल पहिले बाइबल पुरा होलै। एकरा में सब तरह के बात हकैकि परमेसवर मनुष के जीवन में कैसे काम कर हखीन। परमेसवर के हखीन, इ यीसु के बात से बढिया से समझ आव हकै।

यीसुके इतिहास

बाइबल के 4 किताबवा में यीसु के जीवन के बारे में बतावल गेले हऽ यीसु के समय में एकनहिन लेखक हलखीन। जिनखर नाम निचे देवल गेलखीन हे।

1. मत्ति के किताब- यीसु के चेला जे कर बसुली के काम कर हलया जे लिखलखिन की कैसे यीसु इस्राएली लोग से बरताव कैलखिन।(यहूदी)
2. मरकूस के किताब- जे यीसु के कैलका चमत्कार के बारे में लिखलखिन हे। जौन समय यीसु इ सब कैलखीन तब मरकूस के किसोरा अवस्था हलै।
3. लूकस के किताब- लूकस एगो वैधद (डाक्टर) हलखीन जे यीसु के नय जान हलथिन उ लिखलखीन कैसे यीसु लोगवन के साथ चललखिन।
4. यूहन्ना के किताब- यीसु के एगो अनुयायी, यिसु के हखीन उ बतलखीन, यीसु परमेसवर हखिन उ बतलखीन, उ अदमी बनलखीन इहेला की लोगवन के हुनखर पाप से छोटकारा मिलै।



यीसुके चमत्कार

यीसु बहुते चमत्कार कैलखीन । बाइबल में 40 से जादे चमत्कार के बारे में घटीत है। इ सब चमत्कार के द्वारा यीसु परमेसवर के सक्ति आउर परेम के अनुभव लोग सब के दे हथिन। ओकरे लोग सब के मदद करे के चाही, आउर उनखरा खुस रखना है ।

यीसुके जलम

यीसु के माय के बियाह नय होलन हल , तबे यीसु के जलम होले हल। उ एक कुँआरी हलथीन । पर यीसु के जलम के योजना परमेसवर बनैलखीन हल । इ सब बात पहिले ही किताब में लिखल गेले हल । यीसु एगो महान अदमी जैसन कौनो अलगे रुप में जलम नय लेलखीन हल । तैयो यीसु के जलम तबेला में होलथीन हल ।





यीसुके मैउता अउर जी उठना

यीसु काहे मारल गेलखीन? एकर बारे में बाइबल में लिखल हकै।

सब लोगवन जे गलत बात करहखीन, जेकरा से परमेसवर के दुख आउर गोस्सा देलाव हथीन। ओकरे पाप कहल जा हकै। इ सब पाप हमनहीन के परमेसवर के संगति से दुर कर दे हखीन। आउर इहे लगी यीसु दुनिया में एलखीन। यीसु खुद अपने उपर हमारे पाप ले लखीन। उनकर सजा मृत्यु दण्ड के योग हलै, इहे ला यीसु मारल गेलखीन। तैयो अब हमनहिन, फिनु से परमेसवर से दोस्ती कर सकलीये हे। पर हमनहिन के अपन गलती के क्षमा माँगे के चाहीं। यीसु मर के फिनु जी उठलथीन। परमेसवर उनखा जिन्दा करलखीन, इ रतहिया से परमेसवर उ देखा देलखीन की उ मौत से भी शक्तिशालि हखीन।

यीसु अब परमेसवर के साथ रह हखीन। इहे ला उ अब हमनहिन के दोस्त बन सकहखीन। परमेसवर के खुसी होतखीन की इ तरह के जीवन जीये में उ हमनहिन के मदद कर हखीन।

परथना

यदि आपने गलती के क्षमा माँग हकहु, आउर परमेसवर से दोस्ती बनावेला चाह हकुहु, तऽ अपने इ पराथना कर सकहु।

पियारे परमेसवर, तु हमरा से परेम कर हकहु।
तु यीसु के देलहु तोहर एकलैता बेटा, जे कुरुस पर मर गेलखीन।
जे भी गलत बात हम कैलिये हऽ, हमरा सब पाप के क्षमा करहु।
यीसु हमरे साथ रहखीन, इहेला तोहरा धनवाद।
की तु अपन मरजी से हमरा जीवन जीये लगी मदत करवहु?
तु जे बचन दे हकहु उ तु पुरा करहकहु।
हमर परतना के उत्तर देलहु हऽ इहेला धनवाद।

यीसु आउर अपनेसब

यीसु के कहानी के एगो अच्छा अन्त हक। यीसु बहुत लोगवन जो महान हलै उनकर दोस्त बनलखीन उनखे अउर जखने दुनिया बदल गेल हल। बहुत लोग अब गदह पर या घोड़ा पर यात्रा न कर हलखीन। ओकनखि अब कार या जाहाज से यात्रा कर हथिन। लेकिन इ सब यीसु के कुछे प्रभाव न पड़लै। जैसे उ इस्राएल में हलथिन, उसने ऊभियी हथिन। अउर हमलेनखिन साथ हकिन उ नय देखाय दे हथिन। तैयो खाली उहे सच्छा हथिन, उ अपने सब के दोस्त बनेला चाहहथिन। तु उनकरा सुन सकलहु हे।

की अपने सब यीसु के साथ जीवन आउर उनकर बारे में जादे जाने ला चाह हकहू तऽ नीचे देवल बात पर धियान देहु।

1. बाइबल खुद पढ़हु। (लुका के किताब पढ़हु)।
2. परथना करहु। (परमेसवर के साथ बोलना, सुनना, आउर कोय शब्द के बोले के जरूरी नय है)।
3. बाइबल के बारे में आउर यीसु के बारे में दोसर से बात करल करहु। यीसु चाह हखीन की उसके अनुयायी एक दुसर को उतसाहित करथी।



Translator Name : Ps. Rajeev Kumar.

Publisher: KRISTALAYA MERCY MISSION

Printed :Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as “ Jesus Messias”. Edition in **Magahi** 2022 : ISBN : 978-94-93178-97-7

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : mailto:jmpbk.app@gmail.com.

Web : jesusmessiahcomicmedia.com/india

यीसु मसीह

इ यीसु मसीह के सच्चा कहानी हकै। जे 2000 साल पहिले इस्राएल देस में होले हल। जे कौनो उनखा से मिल हलै सोच में पड जा हलखीन। जे कुछ उ कैलखीन ओकरा कोय नय कर सकलखीन। जे बात उ बतैलखीन उ कोय नय बतैलखीन। जहाँ यीसु रह हलखीन हूँ चमत्कार होव हलखीन, जे कोय हुनखर सुन हलखीन उ आनन्द आउर खुसी से भर जा हलखीन। तब अचानक अन्त होलखीन ऐसन लग हकैय, हुनखर विरोधीहुमखा सजा दे हथीन, तैयो हूँ अन्त नय हलै। आगु जे होलय ओकरा अपने खुद पढ़ह आउर देखह की आगु यीसु के कहानी कैसे बढ़ते जा हकैय।



Language : Magahi

ISBN : 978-94-93178-97-7